



**BUREAU DU PRESIDENT / IBIRO BYA PEREZIDA / OFFICE OF THE PRESIDENT**

Tel: +243- 853509850

Email: [fdlrsrt@gmail.com](mailto:fdlrsrt@gmail.com) ou [humura2020@gmail.com](mailto:humura2020@gmail.com)

**UBUTUMWA BW'UMUYOBOZI MUKURU W'URUGAGA FDLR KU MUNSI MUKURU WA NOHELI 2016**

Bacunguzi, Bacunguzikazi, Bavandimwe, Nshuti z'Urugaga FDLR,

Nimuhorane Ubutabera n'Amahoro, muharanira Ubwiyunge buzatugeza ku majyambere nyayo. By'umwihariko ku bakristu mwizihiza umunsi mukuru wa NOHELI, umunsi w'ivuka ry'Umwami n'Umucunguzi wacu YEZU KRISTU, umunsi wizihizwa buri mwaka tariki ya 25 UKUBOZA, nimugire umunsi mukuru mwiza.

Umuryango w'Abayisraheli, Imana yari yaritoranirije mu yandi mahanga atuye isi kugira ngo iwihesherezemo ikuzo imbere yayo mahanga yandi, wagiye uhura n'ingorane ziturutse cyane cyane ku bayobozi babi.

Umwami Dawudi ni we wagerageje kugororokera Imana, bituma Imana isezeranya uwo muryango wayo UMWAMI- MUCUNGUZI ukomoka kuri DAWUDI, uzavuka aje kugobotora uwo muryango mu makuba, akaba ari we uzana amahoro. Uwo Mwami- Mucunguzi nta wundi ni YEZU KRISTU, abenshi mu matorero ya gikristu mwahisemo kwizihiza ivuka rye kuri NOHELI.

Amahoro Urugaga rwacu FDLR rurwanirira ni nayo YEZU KRISTU, Umucunguzi wacu yaje azaniye iyi si, agira ngo ayikure mu mwijima wa SHITANI, yo soko y'ibibi byose, umwanzi w'ibyiza, yo yifuza ko isi yose yahora mu mivurungano idashira. Uwo Mugaba w'ikirenga w'ingabo zacu rero ntazigera adutererana nidukomezwa kumwizirikaho, twihunda imigenzo myiza tumukomoraho.

Ibihe tugezemo birakomeye cyane. Ariko ntiducike intege ahubwo duharanire twese kuba INTWARANE. Nibyo kuko na YEZU KRISTU yaravuze ati: "UMUBIRI UGIRA INTEGE NKE...".

Niba natwe nk'Abacunguzi mu mitima yacu twariyemeje gucungura abavandimwe bacu umwanzi agamije KUMARIRA KU ICUMU, dusabe umucunguzi w'ikirenga atwongerere imbaraga kuri uru rugamba twiyemeje.

Umugambi mubisha umwanzi wacu afitiye aka karere dutuye k'IBIYAGA BIGARI by'AFURIKA ni muremure cyane. Aracyakubita agatoki ku kandi kuko twamutambamiye mu kuwushyira mu bikorwa. Nguwo umujinya uhora umushengura aho ukomoka!

Turusheho rero gufatana urunana, twunge ubumwe, duce bugufi, dukundane, twemerere YEZU KRISTU atwiyoborere kuko akomeje kutwerekako aturi imbere n'inyuma kuri uru rugamba kandi ko ntakimunaniye.

Tumuragize urugamba rwacu mu masengesho azira uburyarya kandi aherekejwe n'ibikorwa by'urukundo cyane cyane twita kubo uru rugamba rusiga mu kangaratete: IMFUBYI, ABAPFAKAZI

N'IZINDI NDUSHYI ZINYURANYE cyane cyane impunzi ziboneka mu mashyamba ya RD Congo zibaho ku bugenge!

Buri wese aho ari hose akore neza icyo asabwa gukora, akomeze abe maso kandi abe n'itara rya mugenzi we kugira ngo bihore bidufasha gutahura amayeri n'ubucakura by'umwanzi wacu wiyoberanya yitwaje intwari z'IKINYOMA N'AKARIMI GASIZE UMUNYU.

Ntitwarangiza kandi tutabifurije UMWAKA MUSHYA MUHIRE WA 2017.

Uzatubere uw'intsinzi tuyobowe na NYAGASANI YEZU KRISTU, UMUCUNGUZI w'isi yose.

IMANA turi kumwe!

Ukuri kuzatsinda.

Bikozwe kuwa 19 Ukuboza 2017

BYIRINGIRO Victor  
  
General Major  
Président ai des FDLR